

Javna ustanova Srednja škola za saobraćaj i komunikacije Sarajevo, ul. Velešići br. 2, koju zastupa direktor Sejad Mujezinović, dipl.ing.maš. (u daljem tekstu: Naručilac), s jedne strane

i

„SELLA“ d.o.o Sarajevo, ul. Rajlovačka br. 31, kojeg zastupa direktor Sead Tutić (u daljem tekstu: Izvođač), s druge strane,

dana 03.09.2020. godine zaključuju slijedeći:

UGOVOR O GRAĐENJU

PREDMET UGOVORA

Član 1.

Predmet ovog Ugovora je izvođenje građevinskih i drugih radova na rekonstrukciji i sanaciji pristupnog stepeništa JU Srednje škole za saobraćaj i komunikacije, prema uslovima iz Ponude (broj: 06-06-3-655/20 od 03.09.2020. godine) i Predmjera radova za sanaciju pristupnog stepeništa i staze; Sarajevo (djel. Br. 06-02-3-25/20 od 01.09.2020. godine) koja će se graditi/renovirati u Sarajevu, ul. Velešići br. 2, na nekretnini upisanoj u z.k. ulošku 065-0-Nar II – 011-03133 k.o. Sarajevo po Zemljišnoknjižnom izvadku općine Centar-SP_Koševo, ZK ulošku 1729, izvedbenom projektu, prema kojoj će Izvođač izvršiti sve radove kako je to definisano na stranama 2., i 3. ponude, a isti se odnose kako je navedeno u Ponudi koja je sastavni dio ovog Ugovora.

Izvođač se obavezuje radove koji su predmet ovog Ugovora izvršiti stručno, kvalitetno i pravovremeno, u skladu odredbama zakona, pravilima struke, tehničkim rješenjima i uputama projekta iz stava 1. ovog člana Ugovora i u skladu sa uvjetima iz ovog Ugovora.

CIJENA I NAČIN FORMIRANJA CIJENE

Član 2.

Cijena izvođenja građevinskih i drugih radova na građevini iz člana 1. ovog Ugovora, aktom ponude Izvođača (djel. Br. 06-02-3-25/20 od 01.09.2020. godine) i odlukom o izboru najpovoljnije ponude/dodjeli ugovora (djel.br. 06-06-3-658/20 od 03.09.2020.g.), fiksna je i nepromjenjiva i u iznosu je od 7.001,05 KM sa uračunatim PDV-om (slovima: sedam hiljada i jedna marka, pet feninga)

U navedenu cijenu uključeni su svi troškovi rada, materijala, rada strojeva, transporta, povećani troškovi za prekomjerno korištenje prometa, takse, porezi, plaće, režijski troškovi, osiguranje, ispitivanje i dokazivanje kvalitete, pripremni radovi, korištenje zemljišta za organizaciju gradilišta, privremeni priključci građevine na komunalnu infrastrukturu i izvođenje privremenih priključaka, pomoćni poslovi i usluge kod izrade elaborata iskolčenja građevine i geodetskog snimanja izvedene građevine te svi drugi izdaci Izvođača za izdadu i dovršenje radova do potpune primopredaje izgrađene građevine Naručiocu.